

荔村草堂詩鈔

荔村草堂詩鈔卷第五

南海 譚宗浚 叔裕

謁京集

起癸酉十二月迄乙亥七月詩一百五首

癸酉十二月約同人計偕之京時丁外艱甫服闋
登公車凡四次矣述哀感舊情見乎詞集杜句
得詩五首

王國稱多士人來故北征蛟龍得雲雨燕雀半生成滿
目悲身事冥搜信客旌圖南未可料萬里正含情

憶昨狂趨走辭親還省親猶殘數行淚有媿百年身生
理何顏面天高難重陳萍漂忍流涕雪灑在衣巾

辛未歲下

第南歸旋丁先教

授公憂近始服闋

壯惜身名晚貧嗟出入勞焉能心怏怏宿昔恨滔滔獨
坐親雄劍歸心折大刀扁舟吾已具別酒置江濤

詞賦工何益因人作遠遊客情憐異縣吾道在滄洲天

地空搔首行藏獨倚樓惟應與朋好

謂同載諸君

一酌散千

愁

賤子誰人記愚蒙但隱淪艱難昧生理慘淡向時人何
日霑微祿恩波起涸鱗生平飛動意汨沒一朝伸

約梁荔園同年

融

陳天如

序球

呂冕士

紹端

兩庶

常劉召卿廣文

炳藜

梁晉屏孝廉

侃

同遊西樵

先此奉寄

平生五岳未躋攀，且向西樵躡屩還。
好共聯吟同白社，恨無奇句荅青山。
莫王墓上平蕪碧，高士祠前夕照殷。
喚起癡龍深澗底，連朝洗出玉孱顏。

時雨後新晴

後西樵七勝詩

樵湖

殮勝尋靈山，遠岫紛挂目。
沿迴沂碧流，深繚經幾曲。
山光飛入湖，相競作幽綠。
倒青涵遠峯，溼翠寫橫谷。
擎舟入其內，扣夏爭往復。
連山忽破碎，寸寸了可掬。
居人擅清景，吸嚙傍湖渌。
枯槎臥廢根，疎網挂修竹。
淹留惜去

程娛翫對佳躅菟裘如可營
煇卯擬將卜

逍遙臺

巖扉紛外環石隙闕內剖躡身試仰探微徑伏昏黝腥
痕捫蛇涎荒迹踐狐夙揩磨輕移尻攀陟穩援肘驚奇
愕仰前恍墮戒窺後輕疑剗蝨腰狹似墜牛口平臺忽
聳登萬里豁清晝遙見西江源一線落東走忽憶千年
來俯仰成宇宙未知前後人眼界果同否爭墩固已勞
沈碑亦何有願言慕逍遙抗志効莊叟

噴玉巖

圓爲珠亂跳快若箭初脫嘈嘈急鼓轟隱隱亂蕭咽下

臨深澗拒對面石壁邊擊撞未肯停日日坐吆喝不知
泉水源終古幾時歇招提對巖口丈室稍修潔曲櫺度
飛雲低檻俯疎樾久坐誠覺喧俗塵喜全豁我無綠綺
琴三弄奏清越長嘯效蘇門矯首浩澄澈

雲谷書院

茲山在前代樹講多名賢遺墟亦何有黢黢霾荒烟陽
坡突蹲石陰竇斜漱泉澗松臥偃蹇徑竹堆嫵娟有明
事講學末弊真狂禪要知縫掖士肄習猶精專百年慕
考據門戶矜流傳異聞喜創獲舊說隨棄捐嗟哉弦誦
地荒穢誰復憐起衰仗吾輩責任當共肩願栽十年樹

庇此三尺椽何以示誠悃羞藻銘吉蠲

翠巖

雲洞清而雄翠巖秀而嫵西樵多奇峯屈指可先數我
從半山亭振策抵仙戶橢形隨玦環側勢入甌陂闐然
石扉開空翠若濡縷苔枯山氣驕樹重日影古試窮穴
底窺仰見玉虬舞迴翔欲翻空轟射不濡土流甘灌神
輪蒸注滑仙乳反嫌衣裘單危坐畏淒苦坐久白雲歸
松枯助飛舞飄颻棄長風卽此儼輕舉

九龍巖

神龍爾何物偃仰茲山陲巖腰露穴口呀呷杳莫窺左

旋獨蜷局右轉仍賊陝劉絕自天巧雕鑿安能施或云
上帝謫行雨曾愆期或云佛禁呪不許揚鱗鬣或云安
期子參謁來瑤池玉京偶迴轡愛此山水滋有時吐青
氣五色煇鱗而奇觀眾同詫怪論吾獨疑問石石無語
但有雲縷吹明朝馬鬣水定滿東南維

大科峯

夙聞大科名賈勇恣游玩重趂力已殫登頓未及半勞
飢豈敢辭體髀悉濡汗圓峯平不欹坦坦若方案登高
亦何得但覺耳目換羣山徇我前翕合復奔散遠者交
微茫近者錯凌亂翻疑太古初五嶺未分判樵夫向我

言此地切霄漢人世方夜中天雞已鳴旦何當觀日來
一跨凌風翰

泊舟花埭孝直諸君拏舟相送賦此媿謝

傲傲楊柳綠前津握手相逢笑語親節物匆匆辭故里
風塵草草媿勞人遙知後夜團圓會可憶長途輾轉身
一語寄君還自勸不教衣染洛京塵

舟中讀阮太傅重刻西嶽華山碑拓本

帝臨高居奠八維兌位所宅金神司厥有華嶽崔以巍
林顛谷越相蔽虧羣峯刺天白差差泄雲不散陰霧披
荒蘿陡絕人莫窺升降靈霽嘉穎滋福庇黎庶除癘疵

在昔炎祚朝政隳浮屠媚鬼興淫祠詛祝妖惑崇祥禩

況茲嶽瀆尊神祇宜有翠琬銘豐碑陳留徵士鸞鶴姿

按都穆據徐季海古迹記謂此碑爲蔡中郎所書考蔡邕傳云桓帝時五侯擅恣聞邕善鼓琴召之邕不得已至偃師稱疾而歸碑立於延熹

博瞻淵雅工文詞真迹

四年大約在被徵前後數年也妙絕時人推羣龍宛宛出水嬉五采鳳羽垂褱縱想當

落筆縱橫時腕力裊柱如懸絲偃仰回復無不宜千年

巨碣爭護持剝蝕青翠蟠蛟螭寶光迸射來天墀上掩

奎宿騰斗箕帝曰斯寶誠絕奇六丁下取雷電隨地媼

搖撼驚莫支

嘉靖中地震此碑遂毀

人間傳搨嗟漸希三弓同異

紛差池琅嬛館主持使麾倩工摹刻重補治縝密方勁

爭毫釐益以別本全無遺若金鎔鑛玉泯珙

原碑有闕字以成親

王所藏長垣本別摹刻補上

嗟哉隸法明季衰破列軌範爭侏離

國朝煥雅多大師遠溯秦漢卑獻義競闢閫奧開藩籬
末流汎濫吁可噎體制詭越遺馬羈或乃醜拙兼斜敲
方若畫屋圓穿錐俯趨鼠穴遺坦夷刻畫西子成戚施
古法漸邈誰復追

按阮文達公有北碑南帖論第取其不失漢隸遺意非謂北碑可爲書家

正宗也近時都下諸公喜學北朝碑版并其偽體俗字如形作彤席作席之類亦一一效之反自鳴其古雅則文人好奇之過非復文達本意矣且北碑字體用筆多放野適爲書法陋劣者藏拙之地要非臨池正軌也

此碑摹刻時代遲朗若刮目黃金鑊惟川有溪山有基
正諦在是奚外歧況今廿載兵塵馳潢池盜弄煩鞭笞

嘯聚妖醜藏魅魍文選樓前却火悲漢原秦時多旌旗

朱門貴邸羅尊彝亦復散佚隨僕廝

成親王所藏華山碑今爲崇樸山尙

書所得

深山陵谷安可知他時歲月隨遷移購此或亦千

金貲我聞嶽廟臨西陲碣銘壁畫鐫厓屨何時赤手攜
甌椎搜剔榛莽窮險巇或有銘碣前代垂與此合卷裴
琉璃平生宿願難遽期側身西望長嗟咨

晚泊蘆苞

浪攜猿鶴入京華

元遺山詩悔攜猿鶴入京華

纔是離家便憶家日

日故鄉潮信到却驚踪迹似天涯

翠屏峰

石林無斷青巖蘚有停黛崢嶸千萬峰却挂蒼松背時
有霏霧來濛濛已天外

二帝子讀書臺

帝子鸞鳳姿邀荒向幽阻遺蹤畱洞隈遂作神仙祖洪
荒讀何書應是九皇譜

阮俞逕

重華昔巡幸韶石因得名寧知太古始已有截竹聲空
山多竹實威鳳何時鳴

淙碧軒

看瀑如看雲靜觀得其態咄哉此亭高巧與瀑相對冷

冷聞玉琴幽意獨與會

韋氏園

韋郎有具眼能識彭城公遂令蛟蜃精五嶺竊稱雄古園近寥落日暮烟濛濛

東坡釣磯

高臺立江濱傳是神仙迹應緣黨禁嚴殘碑竟難覓山寺有東坡題名原石已佚翁覃溪閣學始集坡公書嵌置壁中荒徼來鳳鱗古今同慨惜

觀音巖十韻

巨峽微分斷層檐忽接連暝尋攀石磴平揖對江天佛

火明波底僧巢挂樹前潮喧鐘梵細檻折轟幢偏室聚
曼陀雨廊棲波律烟鴿馴依座舞龍懶抱珠眠聞有千
尋洞中涵百尺淵崩崖藏蝠穴腥路膩蛇涎雙樹聊探
勝三幡懶證禪勞勞愧行役未敢禮金仙

棹歌三首

番禺劉三山孝廉集中有也由棹歌三首蓋
取榜人之聲而隱約其辭者也舟中無事輒復
和之以代勞者歌焉

也由由也由天寒水淺更推舟阿儂生小炎荒住爲
過清灘雪滿頭

也也由也由朝夕催人不自由海水波深灘水淺教
人一樣總離愁

也也由也由韶州度了上雄州願儂淚作江湖水一
日南流日北流

度大庾嶺

巍巍大庾嶺上有大庾關江粵之所交風氣連百蠻借
問路叟言此地聚市閭奈何近蕭索村落餘榛菅路叟
前致詞欲言淚先結恐觸官人諱吞吐不遽說緬維道
光際八表方無虞嶺南實陸海百貨茲共趨坐者或緣
逕行者或載塗時聞半山際輿繹相歌呼小人慣居住

雞狗常得須袴襦亦有備瓶瓶亦有儲自從蕃舶多萬里
驀超越九州失蕃籬遠近猶戶闔世人競趨巧濡足
乃爭涉美利在中華反爲外洋奪古皇重設險慎守在
西夷奈何肘腋地竟使勅寇窺羣公贊黼黻劍佩垂陸
離恐當擅謀畫草野難備知側聞

天子聖撫卹憐瘡夷願言奮齊斧誅此蛇與豨道路盡
夷曠黎庶無此離我聞野叟言耿耿苦難寐迴風吹座
隅劍歌激增氣豈無救時策踴躍苦難遂作詩述叟言
又以傲有位

路旁見梅花感賦

頻年早厭征途倦翻爲梅花度嶺來萬片已隨香雪化
數枝猶傍斷巖開占將今古芳菲盡挽住乾坤氣數回
愛惜芳心待知己莫教零落委塵埃

贛州謁王文成公祠

飛檐箭章江層構峙巒嶺陽明有遺躅蘋藻展修謁公
昔蒞斯民弦誦遍城闕餘事破峒蠻唵咏今未沫紫陽
實聖徒義理日星揭著論恥雷同卓識特殊絕塗徑雖
各岐彼此自同轍嘵嘵曲學儒詬厲乃饒舌我思炎宋
時南渡疆宇裂公如佐廊廟定足埽苞孽豈如腐頭巾
遇事乃嚅囁蕭蕭庭樹寒懷懷北風發英靈倘來往俯

仰見遺烈悠悠萬古心寂寞對殘月

橫弦灘

罡星不上天化作萬拳石奔騰入急湍宛宛數千尺回
風忽吹斷懔懔見古色孤騫雲勢翻深黝日光炙前臨
甫橫距後顧又巉逼一舟能幾何勢與萬石敵軒然巨
浪吹飛渡倏無迹乃知值險艱惟恃堅定力當其未涉
時豈免形悚惕吾聞莊叟言冥心外物役華胥在醉鄉
沈飲聊自適

欹枕

欹枕江城雪意寒旅懷蕭瑟客衣單蒼茫亂髮三千文

輓輓愁腸百八盤應笑文章求仕拙始知貧賤住家難
打魚射鴈蕭閑甚羨殺羊裘老釣竿

天柱灘

峯舟入石灘舟子已神肅陡聞飛浪鳴巉絕忽在目不
知石狀奇反謂地勢縮撼搖轟百車尖削攢萬鏃作勢
疑怒張藏機儼渟蓄殺氣入波濤砰訇互馳逐我從冬
仲來暝照正晴旭想見陰雨時慘淡吼原陸微風徐一
吹坤軸便翻覆天公故駭人刻劃逞奇獨行役頓忘勞
快觀意殊足

市汊待風

旅雁已歸泊羈人方遠遊回風吹短燭寒雨在孤舟且
舞雙九劍空思萬丈裘壯心零落久感動幾時休

登滕王閣

梅關而北大江東斗起高樓氣象雄草樹漸經殘臘後
山川曾閱劫灰中簾前空靄嶙峋碧杯底殘陽淺淡紅
不獨子安才藻少並無愛客似閻公

游百花洲

聞道東湖勝尋幽愜討論雪光寒照座水氣暗侵門鷺
起沙堤淨魚唼石穴渾塵闌隔咫尺佳景儼郊樊
十頃淥波淨荷花相閒香平鋪輕浪輒併送小亭涼蛤

蝓緣隄堰鷓鴣涼石梁論園如買夏何必減滄浪

曲榭千房閉長廊百折分引泉微注覓疊石欲生雲竹
歎助吟趣苔乾疑篆文天工饒點綴沙鳥自成羣

老柳如僵立何年插小池迎風低散縷拂水臥生枝自
得蕭閒趣偏多崛強姿如何經劫火颺冉似當時

灌圃平生願來看勝地幽園蔬收鳴脚溪茭熟雞頭副
藥應旋長烹鱗不用求雖無_此三勝實足句留

避地懷蘇子孤芳近絕羣高風秦博士逸操漢徵君亂
世容閑臥斯人不可聞廊碑重撫讀湖氣冷斜曛

享祀崇祠配風流老輩存詩名猶未沫經術至今尊側

想干戈日曾經禋祭昏斯遊良不易雅賞接琴樽

祠中供蘇

雲卿木主並以宋牧仲

阮雲臺兩先生配祀

吾鄉原水國名勝擅林泉對此卜居地應吟招隱篇待
營因樹屋擬蓄賣文錢相約羊何輩歸耕且授廩

舟中夢亡友嘯篋感賦

天南壇坫失斯人宿草墳頭涕淚新載酒罷過揚子宅
藏書重憶孟家鄰屢偕入社蒙矜許無計歸田共隱淪
可憶轉蓬江上客低頭輾轉作勞薪

泊舟南昌大雪作歌

吾家嶺海居南陲赤日長照恆炎曦隆冬飛雪灑不到

但有千樹梅參差竭來豫章偶攜酒雲氣晝黯紛迷離
波濤叫呼朔陰集山石凜冽寒飈吹天公忽蹴癡龍起
倒瀉瓊瑤八千里橫空欲度西山來疾雨斜吹入江水
若有人兮在雲中跨縞鶴兮驟素鴻瑤池閬風赴高會
墮羽飄墜來虛空盤旋回折不相下變滅的皪難爲容
不然河伯張宴濃洞庭樂奏酣笙鐘纏頭十萬翦鮫縠
片片映出蛟鼉宮前者進入烟濛濛後者捲作濤洶洶
噫號聲勢塞大塊一洗萬古塵沙胸隔岸遙看霧痕溼
枉渚迴汀紛出入天前闊遠千樹湧沙際冥茫萬鷗立
我生憔悴百不宜窮愁慣被江神欺倦游千里厭久泊

忽看世界堆琉璃江山奇景恣游眺造物貺我原非私
偶然留滯亦殊得豈必捷足爭先馳君不見章江門外
帆如織千枝萬枝作竿直幾人住鄉得安適大半風塵
走南北烹羔暎酒渠有命此樂豈須吾輩得眼前歡會
且高歌何用牢愁歎湮塞夜來沈沈月無色萬種愁心
亂難極會當喚取潛潭蛟起弄霜天吼銅笛

觀打魚歌

鄱陽湖裏多漁舟結簑作屋居上游然燈列炬不知數
萬點簸盪如星浮沿流溯洄列巨網傍岸跳趯揮鋸鉤
萬魚性命付一刻殺氣搖動天爲愁須臾四合喧聲起

謹諫紛呶凡幾里大盈數尺小寸餘錯雜連艚半生死
百錢買得持作羹臙臙銀鱗照刀几甘旨應知赤鯁儔
芳腴欲敵河豚美銜杯拔劍心茫然湖天四望空雲烟
邇來蛟鱷穴西海奮迅欲突天池淵腥臊鱗介豈足道
要駕大壑誅鯨鱣何時王師下瀕洞勒勛萬里銘祁連
功成拂袖解官去五湖歸釣槎頭鰈人生快意在償願
豈必浮海尋期倅嗟哉漁人好身手莫抱利器甘長閑

途中寄故園兄弟

麻衣曾記淚瀾斑一片名心付等閑本擬幽棲長誓墓
又牽游興爲看山置身敢企雲霞上惹夢聊同竹石閒

寄語聯牀羣從輩好營丙舍待歸還

來時別酒菊花斑彈指烏蟾自不開塵土壓馳韋杜曲
田園終愛沃洲山嘶風病驥慚轅下冒雪驚禽戀樹閒
記取明年龍忌後一天梅雨泊舟還

止酒

兼旬病酒困難支百罰深杯且暫辭舊議食單門下供
新丸藥裏篋中隨清閑不擾安禪夢戒律真同禁體詩
最是旅懷禁不得被稜如鐵倦醒時

除夕泊龍游縣城外

琴裝迢遞泊河干爆竹聲中歲又闌綠鬢漸看年少換

青春還在異鄉看對然樺燭真無奈半卸吳棉尚怯寒
一笑此游真孟浪詩窮幾見得高官

人閒何事有丹車竟使窮年走道塗客況飽嘗彌黯淡
鄉音同對慰羈孤銜杯偶試逡巡酒研墨休書歿改符
翻是山家清況好團圓燈火共妻孥

游西湖雜詩十三首

湧金門外冷斜陽一片遺墟草棘荒行過葑田三百頃
不知何事感滄桑

雨漲湖橋碧似油峭寒天氣釀蕭颼遙看翠輦曾停處
可有垂楊幾縷畱

小艇瓜皮傍岸行
迴風吹皺縠紋生
葦湖菱港都如舊
只欠人呼宋嫂羹

寒鴉枯木集紛紛
油壁香車總不聞
春草青濃秋草白
更誰澆酒向蘇墳

蒼茫碧血委蟲沙
華表魂歸落日斜
天與逋仙成伴侶

不教孤塚占梅花

孤山有林典史祠爲近年新建者典史名汝霖福建人咸豐十年杭州城

破關門
殉節

青豆禪房一炬哀
紅羊厄運苦難回
低頭彌勒跏趺坐
親見東溟有劫灰

淨慈天竺半荒烟
高會徒開白氍毹
不獨初春游屐減

淡旬端少進香船

南屏山色接逶迤
佛閣摧積半莫支
見說遺磚拋砌畔
款題依舊宋元時

老輩風流杳莫攀
誰編詞社占清閑
舊時杭厲聯吟地
剩見荒塍夕照殷

許鄭崇祠俎豆新
西泠風雅藉扶輪
獨憐靈隱藏書庫
蝨簡蟬編想半湮

辟邪天祿列西東
悲甚銜鬚痛鬼雄
贏得祠官長歲祭

亂墳開遍薺花紅

湖邊義塚甚多皆陣亡將士所葬

舊種冬青渺莫憑
紅兒人去恨難勝
而今更比前朝酷

愴絕高陵與孝陵

亂後尋春獨惘然
淒淒湖月照嬋娟
好彈老鐵花游曲
重憶承平暇豫年

對酒懷孝直

我昔年少真酒狂
意氣突兀凌溟滄
城南城西酒家坊
十十五五紛成行
魴魚鮮白鷺臙黃
芼以越笋兼吳薑
濡頭叫呼沒杯底
下視俗物皆茫茫
君時角逐同千場
往往把臂齊頡頏
直疑天地苦窄狹
未覺日月隨奔忙
寧知離合本難定
駒影倏忽徒悲傷
奔蹏屢蹶已嗟慟
麻衣三載彌淒涼
今年又逐計車去
青楓葉赤天雨霜

愛君憶君不得見嶺雲江月遙相望北風吹人不可當
白草颯颯塵沙黃前飛鵲鵲後驚鷗大小百鳥皆雙翔
而我遠在天一方恨不與君共徜徉人生得喪果何常
富貴豈及銅臺倡北邙道上吹白楊故人又已歸茅岡
實謂嘯百年鼎鼎但芻狗身外物慮真豪芒暫時得過且

須過莫待髮縞鬚眉蒼願我常作元漫郎願君同作王
醉鄉買田種秫珠湄傍酣樂歡宴久未央一石一斗何
足量餘事灑筆飛詞章雕刻造物無遁藏不然著書滿
篋箱上掩董墨追荀揚留之石室久愈昌縱令餓死作
寒隸猶勝奔逐馳車航君能相就赴要約傾擬拂袖還

耕桑作詩相寄應勿忘

游靈隱寺

石磴萬泉咽聲如風入松倚闌迴延佇坐對西南峯人
道采樵去時時仙客逢歸途蘿月上相送武林鐘

飛來峯

靈峯刳其中離立不依土闢然岫穴開窈窕鑿扉戶聲
含虛牝深氣積太陰苦鐫剝勞鬼工阻闔限仙武微於
日漏處巖滴粲可數廊空徐墜涎石圻滑蒸乳嗟哉梵
相奇默坐峙終古盃知瞻部洲已燬修羅雨願言拯芸
生一一歸淨宇持句問伽藍狂言儻蒙許

冷泉亭

赤日忽墮地，翕然羣木陰。不知石闌底，誰奏琉璃琴。
微叶徵奏激烈諧，商音鏘洋似有譜。和我長短吟，我吟
偶稍歇，汝尚鳴。惜惜含風響，孤壑結烝蒸。空林低隨屐，
齒濺潤積衣。稜深伊余走京國，實欲窮探尋。倚闌濯纓，
垢庶用捐。煩襟再來倘有約，繭足窮遙岑。何以證盟諾，
白雲明此心。

題夏禹王長江萬里圖

門人蔡次達購得此圖，請余作詩。匆匆未暇也。
舟中守風無事，因補賦長歌一首。

大江之水流湯湯遠自巴蜀來重洋吳闌楚隔不肯放
咆哮萬里誰敢當兩峯屹立遙相望點點翠黛搖青蒼
中有雲氣涵渺茫琳宮梵宇出波底萬松森列如排牆
沿堤草樹交青黃夕照暎之成異光插天樓櫓若虎踞
遶岸帆檣如雁行夏生憔悴江南客待詔金鑾頭欲白
直疑腕底波濤飛灑向赫蹏潤猶滴當年南渡何紛紜
偏安半恃防淮軍沿江百里盡亭戍慘淡旌竿連暮雲
殘山賸水太零落詎憶河汴烽烟昏我生太平幸無事
江介靜謐無纖塵拏舟踏唱頗快意但見亘浪霾朝隄
獨憐泰西擅奇巧舸艦高駕千由旬羆貙異族乃逼處

坐使九域成戶闔披圖悵望首重撫醉膽輪囷鬱相吐
何時妙選三千弩直射貪狼靖江浦氛祲妖祥銷萬古
忍飢作詩亦何補看取平江佩銅虎

春草

客愁多似草草傍客愁生渺渺思無極濛濛碧有情西
園熏蛺蝶南浦浴鷓鴣何事豔陽月而偏獨遠征

焦山

插脚雲濤幾萬堆軒然傑構擬蓬萊鐘聲似向江心吐
帆影翻從地底來雲水閒蹤殘碣在

謂瘞鶴銘

冰山遺物辱

金哀

寺有古鼎爲嚴分宜故物

遶崖多少前朝樹曾閱滄桑定幾回

玉鈎斜弔古

媚娥幾輩鬥娉婷香塚蕭條野草青
猶勝椒房專寵輩淒涼骸骨委龍庭

趙北口柳枝詞

十二橋邊綠作堆橋前碧水幾縈迴
偶然飛絮波閒颺便有游魚啖影來

跣跖黃塵大道邊柔條披拂自年年
漫言風景江南似却比江南更可憐

萬縷千絲映隔河蓬蓬嫩葉蔭婆娑
煎成苦茗濃於醎可以儂心苦更多

沿路多以柳葉煎爲茶味頗濃醎

一春宿雨復輕寒，鎮日殷勤拂玉鞍。
看盡征人行不住，最無情是碧闌干。

抵都用途中寄故園兄弟韻

九衢車轂共斑斑，愁絕畸人意獨閒。
開卷宛然逢故友，閉門真似住深山。
自期勛業千秋上，莫羨功名一峽間。
誰信要津繁會地，有人撾鼓願先還。

三十頭顱髻未斑，勞薪輾轉幾曾閒。
慣來燕趙悲歌地，莫買巢由已隱山。
醜態豈宜臨素鏡，羸軀安望縠黃閒。
莫談身外升沈事，獨倚闌干數鳥還。

都門晤馮越生同年賦贈

十年交徧江湖客傲兀岐嶒見汝才浩蕩千秋期勵志
淹留幾日共登臺攜樽李白論文細拔劍王郎斫地哀
莫道相逢難再晤天生我輩豈蒿萊

寄孝直

野人不知春低首入矮屋歸來視庭柯婀娜裊新綠草
木尙多情欣欣媚晴旭而我獨何爲抱影懷疚辱與君
同世交臭味復一族相憐各夢蛇暫別若鶩鵠尊人今
河汾著書滿箱篋及門多偉儒講義相往復君時執經
過篇籍資洽熟考訂窮鄭王淵源辨朱陸雖懷鍛翮傷
菽水歡亦足鰥生坐五窮蚤歲痛瑩獨嚴親切期望經

史懷相督謂言荷門基或冀資簿祿哀哉風樹零馬鬣
已先卜負米慚昔人愧恥懸心目時於冠蓋場背面劇
嗚哭異時博微官疚罪已難贖僕指朋儕多幾人諒心
曲高臺悲風生蒼莽紆遠目思君隔容顏一別換寒燠
題詩試緘寄已與淚相續遙知南望人話我北遊躅思
君復思君榮名相勉勸春草一寸暉勝如萬金玉慈烏
自反哺勿羨離巢鵠

四月二十四日引

見蒙

恩以第二人及第恭紀

王殿句臚唱奏終

丹墀拜舞十人同烟痕細浥螭頭碧日彩高懸雉尾紅
敢謂巍巍登上第勉期獻替効微忠

天門詆蕩公親到始識

熙朝養士隆

二十五日臚唱紀

恩詩四首

傳臚

麗日開

三殿祥雲捧九霄鳴鐘聽漢蹕按曲奏虞韶

是日殿上奏樂

伏地兢惶切瞻

天拜舞遙

是日禮部官宣詔狀元等三人問唱名卽出班謝恩狀元探花在東班榜眼在西班

行三跪九叩禮

不才疲茶甚何以慰嘉招

送勝

送勝中門出駢闐萬象看貼黃傳已徧淡墨寫纔乾水闊魚龍迅風高鵬鶚搏撫衷彌自慄勿媿讀書官

賜宴

獻爵儀纔肅張筵意未闕

三鼎甲出午門時禮部尙書及順天府尹丞結綵棚於

長安門外行獻爵禮隨卽上馬到順天府尹衙門赴何宴翌日二十六復賜宴於禮部衙門名恩榮宴

期小人腹頻饜大官餐法酒香浮畢仙梨重飮盤轉思

勞休道言卷三
貧賤日粗糲耐儒酸

歸第

駿馬健嘶風憑鞍意氣雄纔辭雙闕下倏走六街中官
道鳴騶過宮花插帽紅眷懷

主恩厚歸騎莫匆匆

五月十七日蒙

恩

特旨

召對乾清宮恭紀

雞籌曉唱侍

楓宸伏陛親聆

聖訓詢

召見時垂詢家世甚詳並詢及臣身子結實不結實

清白夙承先世訓

驚駘敢効壯年身幸叨異數眞稠渥愧乏嘉謨効矢陳
歸回田園誇盛事獲瞻

堯顙似

高辛

潘星齋太夫子

曾瑩

惠示詩集賦此奉酬

門第東吳著聲華北地豪高情屬霄漢餘事薄風騷摩
盪盤秋隼掀騰掣海鰲由來會昌集典重冠詞曹

伊昔潢池亂海隅方厭兵哀音殊掩抑僞體或縱橫軒

翦看奇作和平尙正聲中興殊有象雅奏聽韶英
老輩幾人在靈光今歸存長懷裴令墅幽趣謝公墩潑
墨淋漓快填詞子細論東山原暫臥邱壑道彌尊
賤子眞匏繫疎狂只自由聞雞但慷慨刻鵠苦雕鏤幸
隸高門籍曾陪小阮游建安如有作屬和許應劉

苦蚊

北方氣寒沍深夏時鬱蒸蚊蚋聚萬族徹夕鳴嘈呿誰
哉臥榻側竟使藩籬崩始來偶偵伺杳進紛憑陵張皇
遂難制四體成痼癢爾實草莽族翺跂同飛蠅奈何恣
淫毒不畏繳與矰帝閭甚寫闕天聽難遽憑憎膚恣吞

噬哀被黎與烝嗟哉汝腹飽勿復來繩繩行將召風伯
佐以雷鼓轟高秋氣涼澈一洗寰宇澄蜚蜚各歸宅杲
杲扶桑升

送人入楚

留我且歡會送君無奈何愁邊佳節換夢裏故山多世
路況荆棘鄉園空薜蘿定添吟興發新和郢中歌

新軒早春待酒不至

落紅旣委圃新綠方滿疇春陽扇溫煦適翫良夷猶散
帙已停讀舉觴期共酬踟躕返空巷欲酌無新篘我生
固窮薄屢空如黔婁雖蒙珪組貴反益衣食憂經史自

滿腹不能爲身謀。阨屯實天賦。剝節情所羞。綺羅徧笥。篋底煥惟一裘。稻粱塞倉庾。充飽惟一甌。運窮世莫笑。道勝吾何求。安能東野困。致學北堂優。

歸里後逢陳十三孝直因集杜句贈之

與兄行年校一歲。可憐爲人好。心事神鋒已淨虛。秋濤明月無瑕。豈容易。昨夜歡娛常見招。肥肉大酒長相邀。自倚紅顏能騎射。便應黃髮老漁樵。東流海水西飛燕。人事經年記君面。且盡芳樽慙物華。密沽斗酒諧終宴。氣酣落日西風來。亦知窮愁安在哉。鳬鷺散亂棹歌發。鯨魚跋浪滄溟開。吾爲子起歌。都護落花游絲白日暮。

男兒性命絕可憐世人那得知其故似君須向古人求
不減昔時陳太邱富貴應須致身早名位豈肯卑微休
天下朋友皆膠漆我獨覺子神充實清詞麗句必爲鄰
說劍談詩但第一秋來相顧尙飛蓬何恨憔悴空山蟲
會是排風有毛資一洗萬古凡馬空君不見講上鷹一
飽卽飛瞥炯若寒烟動霜雪又不見道傍廢棄池滄浪
水深青冥闊丈夫垂名動萬年豈可久在塵埃間偶然
擢秀非難取惟待吹噓送上天

新會橙歌

吾鄉佳果多橙荔推第一荔爲白玉膚橙若黃金實江

瑤盧橘難比倫。橄欖楊梅信非匹。竭來訪古益允墟。香
橙所產聞絕殊。豈知連山盡童赭。十里百里無一株。共
言此物歲充貢。每苦胥役頻追呼。連畝接畛並芟薙。不
願尤物生海隅。近年貢額亦常遞。半出南澳兼番禺。岡
州奇種已希覲。譬若魚目充明珠。我聞此言三歎起。今
古茫茫盡同軌。建州茶薺洛陽花。供御由來亦如此。天
門跌蕩深九重。誰爲上書陳玉几。君不見連平顏公。檢
昔帥閩奏罷蒞。貢捐奇珍至今闔宇沾。

皇仁倘令守土得良牧。豈至苛擾傷吾民。嗚呼顏公顏
公眞絕倫。

泊瓜步橋作

水田三百頃貫以青瑤流每至路途轉時逢林壑幽
蟻蜩新漲上蚱蜢晚風柔今夕看圓鏡應銷旅客愁

晚行富溪

幽人性愛山山色環夢寐昨來富溪行佳境了堪異
春流漫有情雲木亂無次雨涼蟬翼喧風過鳥翎墜
田家豈樸實苛禮轉煩碎聞我躡屨來喜氣溢童稚
舉觴迭獻酬意重覺詞贅苦云隔市廛珍味頗難致
感此節儀殷百罰亦忘醉誰云軒冕華義笠更榮貴
願言買薄田卜宅寄迢遞

暇日偕張瑞穀同年

士芬

馮伯恭

葆廉

廖澤羣

廷

相

兩廣文陳孝直茂才集竹平安館

幽樓人迹絕城市等山家迸砌爺孫竹垂籬子母瓜鳥
能千種咒蜂報兩時衙歸騎休令促高城未暮笳

樹裏風生座池喧雨到堂莫嫌衣凜冽且縱酒顛狂把
袂期他日銜杯已異鄉何如開淨社歡會計千場

正月十七日在粵東恭聞

大行皇帝升遐哀賦四首

九葉重光紹乘時特

中興功符唐憲廟德過宋昭陵

勤儉逾千古謳歌遍八紘

萬幾勞勩甚旋見鼎湖昇

神武由

天授殷憂啓

聖謨樓蘭終隸貢相柳復蒙誅
兆啓蒼身錄祥開赤伏符

垂衣曾幾歲鋒鏑靖寰區

宮掖承歡洽

園陵薦享新自

天覃駿惠率土戴

鴻仁科第頻增額田廬罷算繼畿南諸父老流涕話酸辛

頒詔南中到驚聞里術傳銜悲原有日宣力待何年恨結重泉裏心懷七校前亦思哀策獻椽筆媿前賢

結交吟寄孝直庾生

我歌結交吟胸臆鬱結愁我心白雲捲空月入座木葉走瓦風飄林我懷太邱生負才實奇越天馬出風颿長鯨卷溟渤身長九尺鬚眉蒼自是封侯有奇骨我憶伯鸞子卬角饒詩名推移眞宰泣鞭撻神鬼驚齊庭伏翼暫未遇待作大鳥冲天鳴平生海內誰知已翻覆雨雲

眞夢耳曹蜎李志非可兒沈約范雲但餘子西園日暖
花枝多華棖繡桷高戔戔市兒爭耀玉抱肚豪客競酌
金波羅我時掉頭不肯住獨與二子同嘯歌高談虛元
慕莊老細考競病追陰何惜哉驪駒又將賦浮雲西北
情則那別易會難古所歎況復歲月隨奔波奉君元梁
冠贈君蒼玉珮相期赴玉京躡屩紫霄際高騎鼇背扶
桑東手擁霓旌謁天帝縱然偶違隔小別如經年復思
攬明月鎔爲寶鏡成億千一置西山趾一置東海壖我
曹偶相憶但寫瓊琚篇戲呼老蟾代投遞索索催下龍
皮鞭春蘭花開秋桂發倏忽飛墮懷袖前不用嚮言慶

忌託靈鬼亦不用王喬韓眾求神仙相逢相別總看月
看到死魄千回圓他時嫦娥倘先老僕亦歸買南村田
卜鄰共就瓦盆飲月色又照霜華顛

詠波羅麻

五排三十韻

異布波羅擅炎州物產豐獨傳機杼異不與縠紗同濃
碧分千本深黃認幾叢

嶺南叢述草木波羅子俗名番蓂子色金黃

潤霑靈

姥雨吹遍大王風密幹低連畝繁枝遠拂空

嶺南叢述波羅密種

作麻者恆於陰處不令生子欲其葉長種於高原者則收其子

略殊蕉簌簌幾比葛芄

芄佛土根株徙蠻方製作工漚分池左右紡遍屋西東
細密應排縷輕盈比入筒碎攪絲斷續微引繭玲瓏疎

合窺魚眼麤疑抹馬鬣自堪留久遠何復藉磨礱未礙
規模樸由來節目通染時疑葉汁捲處雜花縵湘竹低
微晾秦篝暝乍烘提攜鍼引鐵裁製尺量銅涼訝燕冰
熨輕宜楚霧籠荷衣交颯纏蕙帶映瓏璁香汗何妨漣
飄塵總不蒙潔應儕鶴鶴熱豈憚蟲蟲邇者蠻防弛頻
年舶貨充堆雲看萬匹蹈海走千艫軟靡徒爭尙奇衰
詎足崇流輝分梵麗駁彩類姑羗盍自安儒素休教害
女紅售從畚婦手披自野人躬竹杖簾鞋外花鬢筍笠
中肇殊矜鶴羽綃詎羨鮫宮縱復炎涼換依然拂拭隆
莫同紈扇棄却暑豈無功

荔村草堂詩鈔卷第六

南海 譚宗浚 叔裕

散館集

起乙亥八月迄丙子八月詩五十五首

過上海贈馮竹儒觀察

煥光

東南財賦五方通，擁節登壇意氣雄。
豈獨吏才需汲黯，懸知兵事屬臧宮。
裁成縫掖三千士，坐嘯樓船九萬風。
兼督八州容易事，相期勲績勒崆峒。

題高麗金君畫梅

昨夢羅浮頂，天風吹素襟。
泠泠鐵橋月，挂在梅花林。
鮑女邀人坐，洞邊彈玉琴。
憐君東海外，共此歲寒心。

久旱得雨

久旱嗟吁甚，猶如涇甌炊。物情多缺望，天道果垂慈。
氣挾蛟龍過，涼先鳥雀知。今宵容把盞，預喜竹根持。

雨後看亭竹

百錢昨買琅玕竹，歸種牆陰隙地偏。風外輕黃徐落粉，
雨中濃綠漸抽鞭。亦知微物非難致，得遂生機也自賢。
千畝渭川吾豈敢，看渠搖曳拂窗烟。

壽王石河封翁六十

集杜句

聞道王喬舄，高秋此日生。尊榮真不忝，心迹喜雙清。
氣得神仙迴，才高處士名。茲辰南國重，誰欲致瓶甕。

養拙江湖外，虛心味道元。自吟詩送老，應用酒爲年。名豈文章著，來因孝友偏。今宵南極外，釣瀨客星懸。

鳳穴誰皆好，琳琅照一門。詞華傾後輩，絳冕且殊恩。盛業今如此，家聲庶已存。流連春夜舞，爛漫倒芳尊。

有美生人傑，風流漢署郎。倒衣還命駕，獻壽更稱觴。學

業醇儒富，歸軒錦繡香。興饒行處樂，春日嶺南長。時令嗣芸

開兵部乞假歸上壽

二哀詩

馮伯容廣文

葆廉

汾上題襟憶少年，一時公望詔神仙。門風自守恬侯舊，

府記羣推短簿賢曾結淨因耽白業記談雅況羨青氈
而今并作山陽痛回首黃墟也泣然

王念伯舍人同年

乃棠

共詡文章掇大魁憐君偏不住瀛臺流連筆札徒多興
蹢躅功名易損才雖類甲辰誰復料鵬來庚子亦堪哀
爲言畫屋穿錐者也入承明著作來

六月十五日邀同潘嶧琴

衍桐

陳天如

序球

呂冕

士

紹端

諸前輩麥蘊碩銓部同年

寶常

鍾祖香

農部

文藻

羅獎朋舍人

家勸

王峻之孝廉

國瑞

集陶然亭遲蔡侶房

宗瀛

易蘭池

學清

兩農部

不至

瑟居苦炎熱適野稀塵埃況茲紺宇地縹緲浮香臺高樓若鶴立墜道猶蠡迴睇視城堞下葭莢青成堆羣公并豪俊妙論同鄒枚自從此亭建幾見詩人來俯仰二千載落落襟懷開徙倚石幢外挈影行徘徊忽憶宋遼事興亡安在哉

亭前有石幢爲遼代物

詩人性愛山延睇步朝暮青山亦有情巧與詩人遇太行千里來矯首此回顧遙想持節人僕僕山下路紅塵漲碧空喘喝不容駐

時試差諸君先後出都

可憶東華中簪盞共

歡聚人生若浮漚大海無定處彼此更相羨孰能知其

故鶯鳩笑大鵬莊叟有冥悟

吾鄉山水佳珍果天下最纖纖半塘菱的的蘿岡荔杪
羅檀甘芬龍眼美清脆自從隔燕臺遠道苦難寄其實
居鄉時豈盡饜珍味久別遂相思沈吟未能置吾羨幽
薊人宦游亦良易富貴卽故鄉何用歸田計

今年得雨遲幾旬千里赤麥苗雖已抽尙帶焦槁色連
朝火繖驕侵早熱尤劇解衣凭南榮揮汗少停息傳聞
齊豫間掘土不得食八閩復水災寇盜大充斥書生獨
憂時悲憤竟何益焦思勞心脾吟嘯出肝鬲區區一片
忱實願彼蒼識他時刼運回儻仗詩人力

羣動既已息西峯月尚微踏月出門去草露沾人衣拍
歌互酬答宿鳥齊驚飛遵途既迴互陟阪旋隰陝如何
同心子不共聯騎歸良諾昔久踐佳覲今旋非眾生本
擾擾咄沫聊相依安知十年後蹤迹不或違試留他日
想此樂應亦稀

謝徐小勿大令贈墨

幹

贈墨

徐侯本詩人吟詠夙成癖餘事乃多能研墨巧無敵濛
濛噓紫雲堅黝若漆色灑向赫蹏間深凸見筆力聲譽
滿京華絕藝咸嘖嘖憶昔乾隆初百貨正豐殖庫藏三
萬丸題詠邀

不羈草堂詩鈔卷六
四
睿識美製邁奚潘奇珍擅來易

頒賜及臣工箱篋各充斥邇來佳品稀寸笏兼金值感
此物力疲衰旺異今昔君家富隄麋藏弄本先德竭來
惠半瓶銘勸意何極正如君子交久久訂金石近聞樽
桑東小醜欲跳躑我曹被墨磨嘯詠乃無益不如挽强
弓猶解應官役待儲十笏螺能紀平蠻績

連日求書者全集戲成四絕句

少日粗豪手似箝何曾十紙近丁覘俗情但說科名貴
畫屋穿錐總不嫌

問字曾稀載酒車厭聽剝啄開門閤辛勤點硯知何用

只博昌黎喚俗書

八法真源近已蕪橫流滄海日爭趨縱教妙擅元和脚
未稱鍾王作婢奴

承平詞翰渺難追十載東南厭鼓鼙見說高官多勇爵
不曾低首事毛錐

雨後由奉福寺度羅睺嶺

窮秋苦多雨襤被依僧房臥聞檐溜歇稍見曉月光侵
晨坐籃筍草露猶沾裳側身踏滑石覲面驚崇岡礧礧
怪峰逼谿窅深壑藏狹壁惑神胸凌風吹影僵始知游
覽勝半藉艱苦償平坡漸回轉草樹含青蒼散懷恣遐

眺疲繄皆已忘我無濟勝具涉險慚懦恒猶堪騁筆力
一挽千鈞強

午抵潭柘寺

沿流遂得塗窺樹劣辨嶺錯磨雙崖開離合萬松整屯
蘿愁烟痕瘦苦畏日影趨趲羣壑隨笑欬四山應路窮
見寺門招提據峰頂黃瓦露炯光朱甍闢妍靚言尋遼
金碑野衲半莫省佛門有廢興宗派雜分併擾擾雞蟲
爭孰云異塵境稍喜泉石佳幽趣獲新領微聞杪羅香
已覺俗緣屏

妙巖公主禮佛瓢

遙辭禁掖禮維摩白足多年迹未磨可憶深宮豪侈甚
九成臺畔舞天魔

片土流傳亦異哉香魂先已返蓮臺絕憐佛力神呵護
不共和林北狩來

行石澗中聞泉聲甚急

扶筇信步出前林已歷烟霞幾疊深曲磴孕成孤嶂秀
怒濤飛蒼萬松吟居人自擅清涼界過客宜消熱惱心
便約巖棲知未易好從休沐屢登臨

夜坐延清閣

缺月出巖罅蒼然羣木低我從高閣望適與列峯齊驚

鳥靜中度暗蟲空際唳祇今秋尙蚤渾訝曉霜淒

姚少師菴

早著詩名北郭中忽逢佐命奮飛熊智謀詭甚量家令
符讖神誇釋誌公嗜殺得無慙戒律知幾畢竟自奸雄
方黃地下如相見敢詡金川翊戴功

由潭柘寺後二里抵龍潭

步隨松坡行幽徑伏難見仰捫石苔高側帶風葉轉繁
姍峰半坳坼裂天一綫迢遙隔里餘已作瀑花濺吸呼
懸怒渦撞擊挾飛霰踞崖試仰窺噤冷入肌面何哉一
拳中萬古閭雷戰神龍爾何知徙宅示靈現當時佛力

雄象教亦因顯祇今遺迹蕪草樹翳蔥蒨惟供游客來
一勺碧泉薦

潭柘寺側有 行宮故址

西山山色何壯哉脈勢遠自飛狐來拱環

帝京作屏嶂萬笏峭蒨青成堆就中潭柘最幽勝傳自
東晉誅茆萊殿前鴟吻恐非故但有棟宇高而崔寺傍
行宮路深閼碧瓦紅牆半欹墜老僧指點隨我行舊事
模糊約能記持齋長老邀

御題獻果山家荷

宸賜卽今霜露凡幾經九十年來如夢寐在昔

先帝恢乾綱銅柱標界開扶桑

六飛南幸匪游豫要看樗石巡宣房晚年班禪復入覲
祝釐嘖嘖來遐方當時物力方驚彊連歲豐稔輸神倉
詞人頌賦亦千載展詩應律鳴歸昌自從海寇方猖獗
烟塵瀕洞昏王室司農仰屋愁算緡

翠輦廿年恆簡出打牲北口停合圍避暑熱河稀

駐蹕隆儀茂矩近半疏鉅典朝章復誰悉君不見潤州
甘露寺浙外錢唐湖十年戎馬暗郊縣破廟篝火鳴妖
狐蚩尤鑿齒終就誅山祇尙護

琳琅書

聖德

神功古莫擬

五陵佳氣無時無方今我

皇法唐虞會見休烈承

祖謨何時彎弓射弱水再幹元化歸洪鑪山靈有知亦
望

幸清塵灑道先呼嵩小臣珥筆

玉墀下願覩吉日

巡東都

歇心亭

水濁人每憎水清人每喜憎喜苟兩忘我心湛然耳胡
爲生是非欣厭從此始君看山下泉百丈清且泚奔流
入桑乾濁浪亦瀾瀾作亭名歇心此心已先泯儻令萬
斛污被濯豈堪恃曷若返元虛無滅亦無起持偈問阿
師妙諦竟誰是但聞琴筑鳴淙淙瀉不止似言杜德機
先生坐忘矣

山行

青山如肅客天外九峯招時復隨歸鳥因之過石橋空
潭疑瘴起古木半雷燒朗誦丹邱詠高吟破寂寥

循獅子嶺度十八盤

奇峯欲干天失勢忽斜落彎環疑互纏奮擊起相搏萬
疊憑巔屹一條開華確望中見紆鬱意外出巉惡怪稜
低鈎衣仄勢怒齒索茲爲入山路有似門啓鑰微生寄
輿夫喘息不敢作登頓愁趺疲窺覷慮魂弱不信人世
閒坦途尙清廓遙見青林端禿當響檐鐸知有梵宇崇
盤空橫窄峒

洗心殿

在千佛閣之後

萬重樹頂萬重山山外秋光此倚闌仙鳥自來香梵奏
松花不落石壇寒

殿前有松亦甚奇崛

平臨星漢疑天小側睨山

河覺地寬題罷新詩豪興在灑將餘瀋徧桑乾

戒壇四松歌

太行西來千萬峰峰峰直挺千株松茲松突出戒壇上
更覺柯葉古錯枝龍從慈仁護國昔誇詡對此慘澹難
爲容一株偃蓋千帀濃骨節靈動疑腹空一株靠石俛
俯從有似偃僂須扶筇翠傘高卷森青蔥一株曳櫪如
寸峰伏榦貼地猶蟄龍突出石砌臨空中恢奇天矯各
異狀攫拏拋擲嗟莫窮根旁餘氣出小榦彷彿掉尾掀
雨工一株抱塔青而芄但有側避無橫衝塔頂炯露光
童童怪哉四松竟誰植無乃養根族實當鴻濛我疑修
羅四萬八千臂騁力欲煽須彌鋒旋皈佛戒受驅策借

作高柱擎蒼穹又疑龍王昨聽法願捨貝闕依琳宮霜
皮雪甲老初化植立壁岸經春冬我無畢宏韋偃之畫
法又不能如韓蘇健筆清而雄對松仰視三歎息不禁
槎柯崛強蟠心胸舊家乃在珠湄東鉏剪榛翳蒿艾蓬
拓地數畝逾半弓稚松初植不盈把豈易千丈梢穹窿
昔聞楊孚徙宅有故事安見今古難追蹤願移此松近
茅屋伴我吟詠鏗鐘鏞有時著書亦已倦坐聽飛瀑鳴
淙淙人生快意貴自適豈羨列鼎兼鳴鐘夜逢蒼官闥
入夢怪我醉語驚愚蒙醒來月出若清午但覺琴聲筑
韻嫋嫋吟天風

題徐節婦登舟誓志圖

共姜昔守義柏舟誓致詞輜軒偶采錄遂列三百詩
羸秦有巴婦懷清懷自持築臺傍丹穴嚙嚙餘故基卓哉
兩賢女令問竹帛垂寥寥閱千載音微杳莫追揚州古
澤國正位當南離是爲靈淑地毓萃多瓊姿劉家有
好女齒歲鍾英奇能習針與黼能奉帚與箕出能操井臼
入能誦書詩又能習禮節婉婉多容儀父母嘖嘖歎閨
里咸咨嗟聞有徐氏郎聰慧稱第一蹇修前致詞納采
趁良日門望相當對便可成配匹束帛及儷皮種種咸
備物如彼山上松種植當成實如彼水中萍依倚會成

質生當同衾眠死當同穴畢結褵雖未詠恩誼期勿失
疾風昨吹戶鵲鷦鷯庭前紀綱來奔告惡耗今日傳夫
壻遭鬼伯壽命不得延阿女得聞之淚下如潛然長跪
上高堂兒命實可憐兒生夙薄祐不知何罪愆蚤年讀
女史勵志慕古賢今來構旤釁處境皆屯邐兒有一寸
心願以報九泉兒誓往守志勿復相制牽脫我明月珠
素髻三尺偏解我紫羅襦縞袂垂爛熳我有梓木琴朝
夕手親彈一從抱悲慟無復理絲弦我有芙蓉粉容顏
竊自妍一從傷標擗不復施丹鉛人生勿作女作女難
自專出門別親故舉目嗟連連是日狂飆號怒濤幾十

里榜人催發棹急放鐵鹿子苦霧何陰沈愁雲何邐迤
白日黯無光沈沈影欲死轅馬在河干躑躅不能已飛
鳥聞悲嘯拍拍鳴不止舉頭謝蒼天既往長已矣兒命
薄如波兒志皎如水又如水中石鄰鄰復齒齒指挂波
濤中炳然見文理持此喻兒心堅確亦如此行行復幾
曲漸見夫壻門中腸迴九轉氣結不能言舅姑聞女來
慘慘色迴溫戚鄰聞女來慰問爭寒暄婢媼聞女來歎
息前致詢入廚具甘旨上堂奉晨昏兒命苟未絕夫死
兒尚存苦節凡幾載矢志期弗緩亦用慰夫壻瞑目歸
九原昔聞禮經言古先有定制壻死未同牢喪服不逾

歲失中與過情彼此亦同弊豈知曲臺篇舊說未容泥
夫婦與君臣茲事蓋同例朝籍雖未登食毛亦君惠儻
令執干戈頂踵豈須計如彼山上松託根殊得地山實
松亦摧焉得不顛墜如彼水中萍遭值隨位置水涸萍
亦枯何能不憔悴況聞揚州地殷賑百貨稠跣跣黃塵
起來道多朱樓油車及繡轡沓沓盈道周東家弄簾策
西家奏箜篌足跼五絲履首耀珊瑚鈎禮春二三月蹠
躑陌上遊誰能勵冰檠耿介追前修卓哉此賢女足挽
積波流精光貫日月勁操懸明幽共姜何足比巴婦焉
足侔我爲誌彤管用以傳千秋

旅寓京邸雜憶粵中舊遊得詩二十首

刺桐花裏黑窯煙省墓連年記泊船
慚愧東華虛待詔
幾時眞爲表瀧阡

南海石灣鄉居人多以陶爲業卽倫迂岡霍渭厓故里也余始遷祖卓昂公由新會移居佛山鎮大基尾歿後卽葬石灣之大帽岡余家每歲必來省墓先教授公詩所云省墓彌年至汾江本故鄉者卽指此也

百咏新詞妙入神回軒舊巷委荆榛
凌雲健筆吾何在
差幸曾依宋玉鄰

吾家由佛山遷居廣州城西叢桂坊者自大父理問公始叢桂坊旁有尙賢里均以南宋劉隨如先生得名隨如名鎮隱居不仕教三子皆登科第邑宰贈以聯云三子盡黃甲一門無白丁著有隨如百詠今不傳朱竹垞嘗錄其詞於詞綜

更憶南園老翰林蘭湖高臥解朝簪故廬喬木無人識
何況當年暫典琴

叢桂坊東約有宅一區爲梁藥亭先生故居蘇耘村
太史鍾鳳石孝廉先後均嘗寓此人鮮知者余尙約
略記之

帆影連天近總無滄桑移徙足長吁誰知萬瓦鱗鱗密
中有前朝隱士廬

先大父理問公嘗於叢桂坊構一別墅劉三山孝廉
華東隸額題曰帆影樓相傳治地時掘得一碑稱爲
明季道流十七人避亂於此按此地廛市櫛比萬無
可隱居之理或明時此地尙荒僻歟近已易主其對
岸盡填塞爲民房并
帆影亦渺不可見矣

半塘溪水漾玻瓈故迹重過便感懷耆舊風流零落盡

更誰來訪鄭公隄

理問公性愛客每春秋佳日輒邀親朋宴於半塘之墨硯洲鄭公隄等處鄭公隄以唐節度使鄭愚得名荔支園在其上曹松詩所謂樹上丹砂勝錦州者也其地後入潘氏園今村人亦罕能認其故址者

移家都近八橋西可有東屯宅券遺笑我別饒金石癖
甌椎親榻鬱洲碑

余家以同治壬戌歲移居聚賢里里前有大觀橋跨臨西濠頗稱壯偉有明碑一通梁鬱洲相國文也

斗臺高敞八窗開遠指帆檣入鏡來修到神仙猶有劫
可憐同付歷陽灰

世父鏡如公名心翼郡庠生性好道屢作羅浮之游嘗作斗臺於貝底水斗姥宮之上鐘磬相聞帆檣入望誠勝境也
臺後燬於火

春堂書籍盡叢殘，蝨損遺編不忍看。最是閉門風景好，

棠梨如雪墨衣寒。

外祖梁子春明經，性至孝。嘗割股療母。家藏古籍甚多，皆母典叙珥所購。母卒，繪春堂藏書圖以紀母恩。所居名小圃園，地頗修潔。劉寅甫孝廉訪梁二子春，不遇，詩云：棠梨花下墨衣寒。

曾向鷓鴣借一枝，榕陰深處結茅茨。連宵戰鼓江頭惡，

說與村農總未知。

丙辰歲杪，避兵於荔支灣南岸等村，離會城約三十餘里。

卜築真同甫里幽，避兵連月此句留。一瓶慣醉官窯酒，

夢醒鳴榔下廣州。

戊午歲，余侍先教授公避兵南海之和順村。何氏園林地臨水，多魚有竹樹之勝。官窯亦村名，與和順相

隔不遠由和順可抵靈洲
山卽東坡先生題詩處也

津滬交馳羽檄頻白袍鵠立尙僣僣絕憐鬪角鉤心際
旁有豐干解笑人

咸豐庚申歲補行歲科試時貢院已燬兩首綴舊借
海幢寺爲試院余亦逐隊應試焉先是粵中笑人癡
呆者輒曰海幢寺考試不知竟成讖也

離六堂前清晝長談經親侍魯靈光年來並作搏沙感
愁聽梭櫚戰兩廊

庚申勞文毅公補刻學海堂經解延先教授公暨鄭
小谷陳蘭甫兩師總校開局於長壽寺余年弱冠亦
隨侍焉寺有離六堂爲王文簡公舊遊處又有半帆
亭徐虹亭太史所署額曾賓谷中丞嘗修禊於此有
圖卷存焉

冷衙破几書亂堆丹黃雋校凡幾回夜來讀史未及半
莫被譙樓更漏催

余十五歲後多侍先教授公讀書粵秀書院地近
拱北樓爲唐清海軍樓故址上有元延祐銅壺

南豐祠畔辦香焚壺榼招邀孰主賓羨殺尙書清福好
玉梅花裏作生辰

阮文達公督粵時每正月二十日生辰輒避客於學
海堂作茶隱之局至今是日堂中生徒釀金致祭歲
以爲常

珠閣銀櫳畫裏看渡江拚得犯風寒喜聞吳楚烽烟靖
歲歲來船載牡丹

自金陵陷沒牡丹不至粵者累年邇來輪船暢行花
事殊勝於曩日每人日抵花埭柵頭等處豔雪千叢

香風十里如遊
洛陽諸名園也

鄉里朱陳守素風筠簾投贈四時同生來未識鄉居樂

絕羨薤蕉十畝豐

余姊適順德梁氏所居名倫教鄉妹適番禺陳氏所
居名石獅頭鄉每歸寧則薤蕉之屬互相餽遺
令人羨鄉
居之樂

雲母鎿光映兩行宵深談藝月如霜星泉定較雲泉勝
試淪閩南芥茗嘗

余居里喜與楊瑞仁同年邱紫溟茂才往還兩君皆
館文瀾書院院前繡衣井卽南漢時星泉味特甘冽
南漢日月星辰四泉日泉在第七甫水脚月泉在
馬鞍街星泉在繡衣坊惟辰泉今失考耳阮志通乃
云日泉辰泉今不
知其處乃誤也

南陽茂才近黃

鶴

魯

杜詩佳槧劇搜羅邇來詩卷飄

零甚儘付秋墳夜唱多

亡友鄧嘯篋茂才築愛日長樓藏書頗富購杜集尤多嘗約余共輯杜詩考異未逾年而嘯篋卒余亦輟業至今惜之

育賢坊路酒家樓竊地帷天此快遊但有作碑錢可索

不妨連日醉糟邱

余自廿歲後每賣文有餘貲輒與陳孝直張瑞穀王峻之鄧嘯篋廖澤羣梁庠生鄭玉山諸君醺飲於育賢坊之酒樓對門爲陳獨麓先生故宅杭大宗詩所謂育賢坊路近者也

鴻爪泥痕又一時水天閒話鬢如絲吟成敢付旗亭唱

或補他年志乘遺